

新刻出像增補搜神記

新刻出像增補搜神記卷之三

金陵三山對溪唐雷春校梓

目錄

觀世音

天王

地藏王

金剛

十大明王

十地關君

十八羅漢

寶誌公

盧六祖

達磨

普庵

泗州大聖

傅大士

二郎神

彌公

晏公

宗三舍人

楊四將軍

水府

沿江遊奕神

洞庭君

湘君

巢湖太姥

宮亭湖神

海神

海神 波神 泉神 俱附

廬山神

蘇嶺山神

新羅山神

射木山神

南無觀世音菩薩



南無觀世音菩薩

二月十九日生

昔有一國王號曰妙莊王三女長妙音次妙緣又次妙善善即菩薩也王令其贅不從逐之後花園居之白雀寺尼僧苦以搬茶運水鬼使代之王怒命焚寺寺僧俱燬於燄而菩薩無恙如初命斬之刀三折命縊以白練帶忽黑霧遮天一白虎背之而去屍多林青衣童子侍立遂歷地府過奈何橋救諸苦難還魂再至屍多林太白星君化一老人指與香山脩行後莊王病惡剗目斷臂救王王往禮之爾時道成空中現

千手千眼靈感觀世音菩薩
奇妙之用永為香山是亦云

天王

出像地神授神記
卷之三



天王

按釋氏源流有毘留勒義天王有毘留博義天王有
提頭賴吒天王有毘沙門天王昔唐太宗從高祖
起義兵有神降於前自稱毘沙門天王願同力定
亂其手將有猪首象鼻者故所向成功及即位詔
天下公府皆祀之天聖初詔諸郡置祠仍建佛寺
俱以天王為額此天王之所由晉建也

地藏王菩薩



地藏王菩薩

七月三十日生

職掌幽冥教主十地閻君率朝賀成禮相傳王舍城
傳羅卜法名目捷連嘗師事如來救母於餓鬼群
叢作孟蘭勝會歿而為地藏王以七月三十日為
所生之辰士人禮拜或曰今青陽之九華山地藏
是也按傳新羅國僧唐時渡海居九華山年九十
九忽召徒衆告別但聞山鳴石墮俄分趺坐於西
中泊三稔開將入塔顏貌如生昇之動骨節若金
鑽焉故曰金地藏以是知傳者之誤

金剛

山傳僧補度

卷之三



金剛

金剛密跡是也按三昧經如來到那乾訶羅國降五
羅魔時金剛神手把大杵上頭出火燒諸惡龍上
王驚怖走入佛影又嘗揮大利劍擬鬼王額鬼王
驚怖抱持小兒長跪上佛又嘗白佛垂意小食化
鬼神衆及世尊滅度金剛悲哀懊惱作如是言如
來捨我入於寂滅我從今日無歸無依無覆無護
哀惱災患一旦頓集憂愁毒箭深入我心此金剛
杵當用護誰即便棄擲自今以往當奉侍誰說種
上言恋慕如來此金剛之而自顯化也



十大明王

一焰鬘得迦忿怒大明王 二無能勝大忿怒明王
三鉢訥鬘得迦大忿怒明王 四尾覲難得迦大
忿怒明王 五不動尊大忿怒明王 六吒枳大
忿怒明王 七你羅難孃忿怒明王 八大力大
忿怒明王 九送婆大忿怒明王 十嚩日羅捕
多羅大忿怒明王

此十大忿怒明王各有三面七各三日皆頭上頂
佛以虎皮為衣髑髏為冠髮髻豎立



十一
長
隆
奉

十地閻君

一殿閻君秦廣王蕭

二殿閻君楚江王曹

三殿閻君宋帝王廉

四殿閻君五官王黃

五殿閻君閻羅王韓

六殿閻君變成王石

七殿閻君泰山王畢

八殿閻君平等王千

九殿閻君都市王薛

十殿閻君轉輪王薛

十八尊阿羅漢

世作并利中雜記卷之三



十八尊阿羅漢

第一賓度羅跋羅墮闍尊者第二迦諾迦跋蹉尊者

第三迦諾跋釐墮闍尊者第四蘇頻陀尊者

第五諾距羅尊者第六跋陀羅尊者

第七迦哩迦尊者第八伐闍弗多羅尊者

第九忒博迦尊者第十半託迦尊者

第十一羅怛羅尊者第十二那伽牟那羅尊者

第十三因竭陀尊者第十四伐那波斯尊者

第十五阿氏多尊者第十六注荼半託尊者

第十七慶友尊者第十八賓頭盧尊者

寶誌禪師



寶誌禪師

寶誌禪師宋才嘉中見形於東陽鎮古木鷹巢中朱氏聞巢中兒啼遂收育之因以朱為姓施宅為寺焉公自少出家依於鍾山道林寺常持一錫杖懸刀尺及鏡拂之類或掛一兩尺帛數日不食無餘容時或歌吟詞多識記士庶皆共事之齊建元中武帝謂師惑衆收付建康獄既旦人見其入市及檢獄如故建康尹以事聞帝延於宮中之後堂師在華林園忽一日重著三布帽亦不知於何所得之俄豫章王文惠太子相繼薨齊亦以此貴矣由

是禁師出入

梁高祖即位下詔曰誌公迹拘塵垢神遊冥寐水火不能焦濡蛇虎不能侵悞語其佛理則聲聞以上談其隱淪則避仙高著豈以俗士常情空相拘枳何其愚陋至於此自今勿得復禁師或一日對帝食鱸帝曰一人知味二十餘年師何為尔師乃吐出小魚鱗尾依然今建康尚有鱸殘魚是也皇后郗氏崩數月帝常追悼之晝則忽忽不樂宵則耿耿不寐居寢殿聞外騷窸聲視之乃見一蟒盤躡上殿啖睛呀口以向於帝帝大驚駭無所逃遁不得已噉然而起謂蛇曰朕宮殿嚴警非尔蛇類所

生之處必其妙孽欲崇朕耶蛇為人語故帝曰蟒
則昔之郗氏也妾以生存嫉妬六宮其性慘毒怒
一糞則火熾夫射損物害人死以是罪陷為蟒耳
無飲食可實口無窟穴可庇身飢窘困迫力不自
勝又鱗甲有蟲咬啣肌肉痛若其劇若加錐刀焉
蟒非常蛇亦復變化而至不以皇居深重為阻耳
感帝平昔眷戀之厚故托醜形骸陳露於帝祈一
切德以見拯救也帝聞之嗚呼感激既而求蟒不
復見帝明日大集妙門於殿庭宣其由問善之最
以贖其言師對曰非禮佛懺滌愆不可帝乃然
其言搜索佛經錄其名號燕親杼睿思洒聖翰撰

梅文共成十卷皆採摭佛語削法闕詞為其懺禮
又一日聞宮室內異香馥郁良久轉美初不知所
來帝因仰視乃見一天人容儀端麗謂帝曰此則
蟒后身也蒙帝功德已得生忉利天今呈本身以
為明驗也慙慙致謝言訖而去此見梁武懺序師
於梁天監十三年冬將卒忽告衆僧令移寺金剛
神像出置於外乃密謂人曰菩薩將去矣未及旬
日無疾而終舉躰香而化在世九十七年帝以錢
二十萬易定林寺前岡獨龍阜以葬師永定公主
以湯沐之資造浮圖七級於其上帝命陸倕製銘
賜玻黎珠以飾塔表南唐保太七年加號妙覺塔

名應世宋太宗太平興國七年舒民柯夢遇老僧
往萬歲山拍古松下掘之得石篆乃寶公記聖作
綿遠之文於是遣使致謝謚曰寶公妙覺治平初
更謚道林真覺大師按建康實錄開善寺有誌公
履唐神龍初鄭克俊取之以歸長安今洗鉢池前
在塔西二里法雲寺基方池是也

盧六祖



盧六祖

盧六祖名能廣東新州人唐宣宗朝學佛見曹溪水香遂於其地擇一道場求之地主但云只得一架架地足矣地主從之遂以袈裟鋪設方圓八十里今南華山六祖道場是也肉身俱存香烟薰其面如漆至元丙子年漢軍以利刃鑿其腹見心肝如生人於是不敢犯衣鉢及載之有宣宗御賜袈裟織成淡山水有西天鉢非銅鉄非木石有西天履非革非木有其華經十六七葉有佛齒以小銀合載之元有一尊龍據鉢為民害大祖曰只怕你變小其龍果小遂以鉢盂藏之在寺中軋枯歸附

達磨



達磨

十月初五日生

二十八相達磨自天竺國泛海見梁帝不契替上嵩
山少林寺面壁九年端居而逝癸熊耳山魏宋雲
奉使西域迴過師子葱嶺見手攜隻履翩翩而逝
雲問師曰西天去又謂雲曰汝王已厭世雲聞之
茫然別師東還暨復命則明帝已登遐矣迨孝莊
即位雲具奏其事帝令起壙惟空棺一隻革履存
焉

普庵禪師



普庵禪師

十一月二十七日生

普庵禪師名印肅袁州宜春縣余氏子也當宋徽宗政和五年十一月二十七日辰時生年六歲夢一僧點其心曰汝他日當自省既覺以意白母視之當心有一點紅瑩大似世之櫻珠父母因此許從壽隆院賢和尚出家年二十七歲落髮越明年受戒師容貌魁竒智性巧慧賢師器之勉令誦經師曰嘗聞佛祖元旨必貴了悟於心數墨巡行無益於事遂辭師遊湖湘謁牧庵忠公因問萬法歸一一歸何處忠公堅起佛子師遂有悟后歸受業院

癸酉歲有隣寺慈化者衆請住持寺無常住師衣
衾紙衣晨粥暮食禪定外唯閱華嚴經論一日大
悟遍躄汗流喜曰我今親契華嚴境遂述頌曰

捏不成團撲不開、何須南岳又天台

六根門首無人到、惹得胡僧特地來

一日忽有僧名道存冒雪至師目擊而喜曰此乃
吾不請友矣遂相與寐坐交相問答師乃庵隱南
嶺號曰普庵後營募重為慈化修建佛殿慕道向
風者衆師乃隨宜為說或書頌與之有病患者折
草為藥與之或有殺毒人跡不相往來者師與之
頌咸得十全至於祈晴伐性木毀淫祠靈應非一

由是工役大興富者施財貧者施力巧者施藝
字昂新延以數千里之間關路建橋樂為善事皆
師之化忽一日索筆書頌於方丈西壁云

乍雨乍晴寶象明

東西南北亂雲深

失珠無限人遭劫

幻應權機為汝清

頌畢示衆曰諸佛不出世亦無有涅槃入吾室者
必能元契美善自護持無令退失索浴更衣跣趺
而寐時則乳道五年七月二十一日

勅封晉庵寂感妙濟真覺昭貺禪師

泗州大聖



泗州大聖

泗州僧伽大師者唐高宗時至長安洛陽行化歷吳
楚間手執楊枝混於緇流或問師何姓答曰我姓
何又問師是何國人曰我何國人尋於泗上欲構
伽藍因宿州民賀跋氏捨所居師曰此本為佛宇
令掘地果得古牌云香積寺即齊禁龍建所創又
獲金像衆謂燃燈如來師曰普光王佛也因以為
寺額景龍二年中宗遣使迎大師至華嚴深加禮
異命住大薦福寺三月三日大師示滅勅令就薦
福寺漆身起塔忽氣滿城帝祝送師歸臨淮言
說異香騰沸帝問方迴曰僧伽大師是何人邪曰
現音化身耳乳符中謚證聖大師是向人邪曰

傅大士



傳大士

傳大士名翕婺州義烏人也自幼聰慧通三教之書
自號善慧八士梁普通元年遇天竺僧嵩頭陀語
曰爾彌勒化身遂令自鑒於水乃見圓光寶蓋即
悟前因因問修道之地頭陀指松山下雙擣木曰
此可矣

大士於此創庵大通三年置寺雙擣間即今雙林寺
有法華經梁武帝所賜鉄犁餅鉢水晶數珠七佛
銅冠至今尚存初

大士學道難不家者派而不髡世以為先知先覺可

免釋子冠服云時有餘虎岩在又鳥之南二十五里又雲黃山頂多猛獸搏害居民大士齊竟每持餘飯飼之自茲虎獸伏匿又化石成青紫色莹然可愛堪琢以為數珠有陶姓者居嘗資給大士大士因指石祝之曰此石青紫可琢數珠且戒之曰不汝商相傳到今惟此一家能之他家倣效石輒碎裂後忠獻王往婺州祭大士之塔取骨殖不能山舉之不動即其地建龍華寺以骨殖塑大士像於塔一統志稱傳大士墓在雲黃山石晉開運初吳越錢元佐遣使取其遺骨歸葬錢唐故瘞之目有兩虎據牆而吼是夕大雨雷電震動山谷及行

虎隨至蝦蟇江阻水而返

灌口二郎神



灌口二郎神

六月二十六日生

二郎神者姓趙名昱從道士李珣隱青城山隋煬帝知其賢起為嘉州太守郡左有冷源二河內有老蛟為害春夏水漲漂滄傷民昱大怒特設舟船率壯士及居民夾江鼓譟昱持刃入水有頃其水赤石崖奔吼如雷昱右手持刃左手持蛟首奮波而出時有佐昱入水者七人即七聖是也隋末世亂棄官隱去不知所終後江水漲溢蜀人見昱於青霧中感其德立廟於灌江口奉祀焉唐太宗封為神舅大將軍明皇加封赤城王宋真宗封清源妙道真君

李斯公



蕭公

公姓蕭諱伯軒龐眉蛟髮美鬚髯面如童少年為人
剛正自持言笑不苟善上惡上里閭咸為之厲平
歿於宋咸淳間遂為神附童子先事言禍福中若
發機鄉民相率為立廟于新淦縣之太洋洲福澤
一方尤時以其子祥叔死而有靈合祀於廟

本朝洪武初嘗遣官諭祭永樂十七年其孫天任卒
屢著靈異亦祀于此

詔封為水府靈通廣濟顯應英佑侯大著威靈于九
江八河之上

晏公



晏公

公姓晏名戍仔臨江府之清江鎮人也濃眉虬髯面如黑漆平生疾惡如探湯人少有不善必曰晏公得無知乎其為人敬憚如此元初以人材應選入官為文錦局堂長因病歸登舟即奄然而逝從人斂具一如禮未抵家里人先見其輜騶導於曠野之間衣冠如故咸重稱之月余以死至且駭且愕語見之日則即其死之日也啟棺視之一無所有蓋尸解云父老知其為神立廟祀之有靈顯于江湖

本朝詔封平浪侯



宗三舍人



楊四將軍



楊四將軍

六月初六日生

萬曆庚子年菊月日周楚愚請

淨子江三水府



洋子江三水府

五代史楊氏據江封馬當為

上水府廟在山之陽

采石為

中水府廟在采石山下封王宋加顯靈順聖忠壯王
金山為

下水府廟在金山寺內三廟

本朝俱稱水府之神水面江心一呼即應舟人過者
必具牲帛以禱今有司歲時致祭

松江旣夾神



松江遊奕神

陳堯咨泊舟三山磯有老叟曰未日午時有大風舟
行必覆宜避之未日天晴萬里無片雲舟人請辭
絳公曰更待之同行舟一時離岸忽然黑雲起於
西北大風暴至折木飛沙怒濤若山同行舟多沉
溺公驚嘆又見前叟曰某乃江之遊奕神也以公
他日當位宰相故奉告公曰何以報德叟曰吾不
求報貴人所至龍神禮當護衛願得金光明經一
部乘其力稍可遷職公許之至京以金光明經三
部道人詣三山磯投之叟曰本祈一公賜杖三連陸

洞庭君



洞庭君

君洞庭湖神也。有廟在龍堆。按傳有柳生者，名教唐中宗時，下第歸至涇陽，見一婦人牧羊，謂生曰：妾洞庭君小女，嫁涇川次子為婢，所感毀黜，至此敢煩寄尺牘，婦生謝不知所向。婦曰：洞庭之陰有大楠樹，擊樹三當有應者。生如其言，有武夫揭水引入，至靈虛殿，取書以進。洞君泣曰：老夫之罪，使孺弱罹害，須之有，亦龍飛去。俄紅粧擁一人，曰：即寄書女也。宴生碧雲宮，君第號錢塘。君謂生曰：涇陽妾，婿也。託高義為親，生不敢當，辭而去。后再娶盧氏，即高義女也。歲同，親洞庭。

湘君



湘君

按山海經洞庭之山帝之二女居之蓋舜南巡崩葬於蒼梧之野二妃從之不及溺死沅湘之間人為主廟世稱湘君湖口及君山俱有廟昔秦始皇南遊浮江過大風因問湘君何神博士對曰堯女舜妃始皇怒命赭其山即此唐韓愈有碑李白詩

帝子瀟湘去不還空餘秋草洞庭間

淡掃明湖開玉鏡丹青盪出是君山

劉禹錫詩

湖光秋水兩相和潭面無風鏡乍磨

遙望洞庭山擁翠白銀堆裏一青螺

巢湖太老



巢湖太姥


按青瑣高談云古巢一日江水暴漲尋復故道溝有巨魚萬斤三日乃死合郡皆食之獨一姥好善不食忽有老叟告之曰此吾子也不幸罹此禍汝不食其肉吾將厚報之東門石龜目赤城嘗陷姥日往視有稚子欺之以采佛龜目姥見急走登山而城陷為湖是為巢湖後人立廟於湖之姑山上以祀太姥舟行者罔不祭焉羅隱詩有借問當年沉水事已經秦漢幾千年之句

宮亭湖神

世宗皇帝補授神記

卷之三

天



宮亭湖神

神無姓名顯應於南康府東之宮亭湖上神來則陰
霾蔽日其声澎湃若潮汭奔騰能分風令一南一
北上下各不順帆能擘浪如持靈犀而入海守郡
者重其神且防其為舟行之硬也立祠宮亭湖上
歲時享祀有呼必應遠近行者賴之宋秦觀宿湖
邊惜竹軒夢湖神贈詩曰

不知水宿分風浦 何似秋眠惜竹軒
聞道文章妙天下 廬山對面可無言

九鯉湖仙

卷之三

三

三



九鯉湖仙

何氏莫詳其世代兄弟九人修道於仙遊縣東北山中故山名九仙又居湖側煉丹丹成各乘赤鯉而去故湖名九鯉廟在湖上最靈驗每大比歲郡中士子祈夢於此信君著蔡

本朝黃孟良感其事賦詩一律以紀之云

人已登仙鯉化龍 伊誰湖上構仙宮

石遺丹竈潺湲裏 雲鎖瓊樓縹緲中

青鳥去來猶夜月 碧桃開落自春風

此行不為却車夢 擬向邛橋遇石公

海神

潮神

水神

波神



海神

即海若是也相傳秦始皇造石橋欲渡海觀日海神
為驅石始皇求神相見神曰莫圖我形始皇從之
及見左右巧者描益神形神怒曰帝負約可速去
今廟在文登縣

潮神

即子胥人見其素車白馬乘潮而出

水神

謂禺強河伯

波神

謂川后

廬山匡阜先生



廬山匡阜先生

先生者姓匡名續字君平南楚人號匡阜先生生而神靈兒時便有物外志周武王時師老聃得長生之道結茅南障山虎溪之上隱焉室中無所有惟置一榻簡書數篇而已武王屢徵不起遇少年傳以仙訣得道漢武帝南巡狩登祀天柱嘗望秩焉繼而射蛟潯陽江中復封先生為南極大明公更命立祠於虎溪舊隱郡守桓伊遷先生祠於山口凡水旱癘疫禱之皆應焉

蘇嶺山神



蘇嶺山神

廟在襄陽府之東南鹿門山按漢光武幸犁丘夢一
神人縞衣羽裳素中皂帶來謁帝問曰汝何神斯
神曰臣蘇嶺山神也更條數事語竟而去時習郁
以侍中從行明日帝以語郁上夢亦如之毫髮不
爽后光武封郁襄陽侯使立蘇山神祠刻二石鹿
夾祠前神道百姓謂之鹿門廟靈異顯著唐孟浩
然詩漸至鹿門山明翠微淺昔聞龐德公采藥
遂不返隱跡今尚存高風邈以遠

新羅山神記

新羅山神

三十三



新羅山神

廟在福之汀州蓋汀本晉之新羅縣唐始有汀名按
寰宇記開元末新羅縣令孫奉先昼坐所事見神
曰吾新羅山神也今徙府主求一牛為食奉先請
以羊豕代牛神怒於是疫癘大起奉先亦病亡后
人有詩云

卓絕新羅百尺崖
窪樽相伴先羊豕

神魔相倚洞天開
不惜浮雲入夢來

射木山神



射木山神

肇慶府之陽春縣有射木山山有雲靈雲罩其上必
雨則霽山南有祠曰射木山祠漢封其神曰儲
休侯靈顯最著廟食一方水旱疾疫有禱必應舊
傳江南有李氏者無子一夕夢神託生為嗣名
符後登第歷官知春州啟行辭其母曰兒必不
歸矣速抵官來射木山謁祠下顧瞻門廡若舊所
覩未几卒自符之生而廟食爨及其卒而廟復靈
以是知符之生祠神之現世也按唐之春州即今
之陽春縣是也